

**IN OBITUM  
ILLUSTRISSIMI  
LAUDATISSIMAEQUE  
MEMORIAE  
PRINCIPIS...**

---

Christoph Stummel



THE UNIVERSITY OF CHICAGO

LIBRARY

1850-1851

1850-1851

1850-1851

1850-1851

1850-1851

1850-1851

1850-1851

1850-1851

1850-1851

1850-1851

1850-1851

1850-1851

1850-1851

# P O M E R A N I A L V G E N S.

**E** Heu, quis largas lachrymarum fundere guttas  
 Perpetuoq; dabit fonte rigare genas?  
 Si mihi tot fluerent capitis de vertice summo  
 Quot Viadrus pleno gurgite voluit aquas:  
 Non tamen vndarum satis esset, si mea damna  
 Atq; velim tristem flere, dolere, vicem.  
 Ille meus Princeps Patriæ Pater occidit eheu  
 Barnimus senior, Dux pietate grauis.  
 Lugete ergo omnes, quibus vna eademq; relicta est  
 Lugendi tanti funera causa Ducis.  
 Lugete Illustres Pomerano sanguine nati  
 Cognatum atq; Patrem, lumina nostra, Duces.  
 Et lugete, quibus mansueto pectore semper  
 Iam longo & multo tempore iura dedit.  
 ἥτοι ὅς τε πατρὶς patrio complexus amore est,  
 Et fouit tanq̃ pignora chara sinu.  
 Vos inquam latis quocunq; habitatis in agris  
 Nobillum veteri stemmate progeniti.  
 Et vos, diductis huius sub Principis alis,  
 Quos huc vsq; Vrbes incoluisse iuuat.  
 Et vos, qui duros didicistis ferre labores  
 Agricola, extinctum flete, dolete, Ducem

Tu quoq; lugubri vestita Ecclesia palla,  
Patrono vero iam spoliata, geme.  
Et tu Pieridum sacris ô dedita turba  
Tristia largifluis fletibus ora riga.  
Quicquid flere potest lachrymis non temperet ullis,  
Lugendi effusè copia magna data est.  
Scilicet hoc ipsum est, quod cælo incognita flamma  
Ignibus insolitis est minitata diu.  
Ni Deus auertat metuenda est longa malorum  
Et tela & series multiplicata malis.  
Nam certum est nunq̃ spectatum impune Cometen,  
Cui non est similis lucida flamma tamen.  
Sed reliquas stellas certauit uincere luce,  
Immoto semper constitit atq; loco.  
Longè etiam supra criniti syderis orbem.  
Ad solum accessit Cassiopæa tuum.  
Qualem nulla prius viderunt secula patrum,  
Hic annus nobis protulit ecce facem.  
Nulla futurorum nos tangit cura malorum,  
Pectoribus nostris nec metus ullus inest.  
Et, iam præ foribus quæ sunt, procul esse putamus.  
Respectum nemo posteritatis habet.  
Promittunt alij longè felicius omen,  
Nullius quod sit nuncia flamma mali.  
Sed toto ne errent cælo, propiusq; periculum  
Sit metuo, q̃ quis censeat esse prope.

O vtinam fallar , prædicat vt omnia leta,  
 Falsoqua & Vates dicar vbiq; licet.  
 Ille meus Princeps Patriæ Pater occidit eben  
 Barnimus senior , Dux pietate grauis.  
 Ominis an non est satis? O fors aspera fati  
 E medio semper tollere sueta bonos.  
 Dignus erat Pylios senium producere in annos,  
 Mathusalemq; velut viuere sæcla nouem.  
 Dignus erat qui non morti succumberet atræ  
 Exemplum veræ nam bonitatis erat.  
 Sed visum est superis aliter, qui cuncta gubernant,  
 Et vitæ statuunt unicuiq; modum.  
 Attamen ætatis Decadum septem atq; duorum  
 Curriculum annorum cum moreretur erat.  
 Est breue curriculum fateor, sed currere paucis,  
 Ad finem mundo iam properante, datur.  
 Nam paucos certè sic Iuppiter æquus amauit  
 Passibus vt paribus currere posse daret.  
 Vita fugax hominum est, duris obnoxia fati,  
 Quodq; bonum est totum mors truculenta rapit.  
 Mortuus est, vita magna cum laude peracta,  
 Quem nemo dicet criminis esse reum.  
 Et magis atq; magis serî post longa nepotes  
 Tempora laudabunt Principis acta mei.  
 Aonidum teneris est castra secutus ab annis,  
 Et primum didicit prima elementa domi.

Post cum ter vitæ quinquennis Olympias acta est,  
Leucoream accessit nobilitare scholam.  
Tempore quo primum cæpit pugnare Lutherus,  
Ausonij damnans dogmata falsa Papæ.  
Et tunc è puris doctrinam fontibus haustam  
Imbibit & sapuit, ceu noua testa solet.  
At teneris annis adeò est assuescere multum  
Quod iuuenis didicit scit memorare senex.  
Et possum verè testari tempore ab illo  
Quod fuerit puræ Relligionis amans.  
Res ipsa & loquitur, testantur pulpita cuncta  
Omnibus in templis omnibus atq; scholis.  
Quod docuit sanctus scriptis & voce Lutherus  
Hoc omnes voluit voce docere pari.  
O vtinam hæc eadem vox incorrupta Lutheri  
Omnibus in templis semper ubiq; sonet.  
Bella crepant alijs, sed noster Pacis amator  
Sincera coluit Relligione Deum.  
Contentus proprijs alijs aliena reliquit  
Obtinuit rursus quæq; fuere sua.  
Nemo etenim hostili nos vnq; Marte pctiuit  
Viuerè dum nostro fata dedere Duci.  
Pacis amans Princeps meritò dicendus ubiq;  
Quem Pax ad tepidos est comitata rogos.  
O Deus, aëtriferi fabricator maxime Olympi,  
Da pacem posthac, bellaq; pelle procul.

Est

*Est etenim innumeris potior pax vna triumphis,  
Nulla salus bello, pax colit arua, Deum.  
Iustitiam coluit cum mansuetudine magna,  
Vim nulli faciens, omnibus æquus erat.  
Rursus & hunc omnes ex æquo subditi amabant,  
Et puer & iuuenis, fœmina, virg, senex.  
Res, corpus, vitam certis offerre periculis  
Crede mihi nemo qui dubitaret erat.  
Tutus ab insidijs potuit committere tuto  
Charum subiectis absq; timore caput.  
Ille meus Princeps Patriæ Pater occidit eheu,  
Barnimus senior, dux pietate grauis.  
Quicquid flere potest lachrymis non temperet vllis,  
Lugendi effuse copia magna data est.  
Vltima namq; tibi hæc æquum est persolvere iusta  
O Princeps cordi semper amate meo.  
Nunc ergo in Domino Princeps Barnime quiesce  
Ad Mundi extremum suauiter vsq; diem.  
Quo Christus veniet cum Maiestate triumphans  
Angelica incipiet quando sonare tuba.  
Omnibus extinctis cum, surgite, surgite, dicet  
Quos inde à primo mors iugulauit Abel.  
Iudicium exercens agnos seiunget ab hædis  
Diceturq; malis ite, venite bonis.*

*Epi.*



# EPITAPHIVM.

**H**AC Pomeranorum Dux fortis & aclytus Heros  
 Barnimius senior contumelatus humo est.  
 Qui mox à teneris imbutus voce Lutheri  
 Sincera didicit Relligionis opus.  
 Nam tunc cum primum cœpit pugnare Lutherus  
 Leucoræ subijt culta Lycæa scholæ.  
 Totius & vitæ decursu tempore ab illo  
 Sincera coluit Relligione Deum.  
 Pectore mansucto populos in pace gubernans  
 Exemplum studuit Principis esse boni.  
 Ius dixit cunctis habito discrimine nullo;  
 Patronum expertus diues inopisq; parem.  
 Quatuor atq; decem cum vitæ lustra peregit  
 Extremum magno clausit honore diem.

FINIS.

